



REPUBLIKA E SHQIPERISE  
MINISTRIA E FINANCEVE

**EKONOMIA DHE BUXHETI**



**ECONOMY AND BUDGET**

QERSHOR - JUNE  
2005

TIRANE

# *Raporti Mujor*

*Qershor 2005*

Personi i kontaktit: Luiza JANO


## PERMBAJTJA

1. VECORITE KRYESORE.....	4
2. TIPARE TË TABELAVE SPECIFIKE.....	6
a. IÇK DHE TREGUES TË TJERË.....	8
b. SEKTORI FISKAL*.....	11
c. SEKTORI I JASHEM.....	13
d. SEKTORI MONETAR.....	14
3. TABELAT MBËSHETËSE	
a. Indeksi i Çmimeve të Konsumit	
b. Kursi i këmbimit	
c. Buxheti i konsoliduar	
d. Shpenzimet institucionale	
e. Shpenzimet sipas funksionit	
f. Investimet	
g. Të ardhurat sipas burimeve	
h. Të ardhurat sipas klasifikimit ekonomik	
i. Financimi i defiçitit	
j. Mjete valutore neto	
k. Kredit i brendshëm	
l. Oferta e parasë	
m. Depozitat sipas burimeve	

\*Të dhënat e sektorit fiskal janë të dhëna paraprake  
Fiscal sector data are preliminary data.


## 1. VECORITE KRYESORE :

- ❖ **Indeksi i çmimeve të konsumit** në muajin Qershor, arriti në 106.6 përqind, duke shënuar një rritje mujore prej - 0.5 përqind, pas uljes prej - 1.1 përqind dhe -0.3 përqind, përkatësisht në muajt maj dhe prill 2005. Norma vjetore e inflacionit, për muajin Qershor, ishte 2.9 përqind, duke qëndruar brenda objektivit të Bankës së Shqipërisë, prej 2 – 4 përqind.




- ❖ **Kursi mesatar i këmbimit** për muajin Qershor 2005, ishte:

- 101.65 leke për dollarë
- 123.64 leke për euro



Në muajin qershor vihet re një mbicim i monedhës sonë kombëtare, kundrejt monedhës europiane dhe një nencim i saj, kundrejt dollarit amerikan. Ky është reflektimi i sjelles së dy monedhave në tregjet ndërkombëtare monetare. Gjithashtu afrimi i sezonit të verës ndikon në rritjet e prurjeve të emigrantëve në monedhën euro, duke çuar në një dobësim të saj gjatë kësaj periudhe.

Gjate muajit prill 2005, **normat e interesit te depozitave** 12 mujore ne leke, kane pesuar nje renie ne vlere absolute prej 0.22 perqind krahasuar me nje muaj me pare, duke vazhduar ne kete menyre trendin e tyre renes edhe gjate kesaj periudhe te pare te vitit 2005. Kjo ecuri eshte rrjedhoje e politikave te ndermarra nga Banka e Shqiperise, ku mund te permendim ate te uljes se normes baze te interesit me 0.25 perqind ne fund te muajit mars 2005.




Renien me te ndjeshme gjate kesaj periudhe e kane patur normat e interesit te depozitave 6-mujore, me rreth 1.93 perqind, krahasuar me te njejten periudhe te vitit te kaluar.

Krahasuar me muajin mars, renie ka patur edhe per depozitat me afat gjashtemujor me 0.15, te normave me afat tremujor me 0.21 perqind dhe te normave me afat njemujor, me 0.01 perqind.

#### ❖ **Situata buxhetore**

Ne fund te muajit Qershor 2005, situata buxhetore, paraqitet si vijon:

1. **Deficiti i pergjithshem** buxhetor arriti ne rreth 9.47 miliarde leke, ose rreth 22.46 perqind e deficitit buxhetor per vitin 2005.
2. **Te ardhurat gjithsej** arriten ne rreth 93.41 miliarde leke ose rreth 45.23 perqind e programit vjetor 2005.
3. **Shpenzimet buxhetore** arriten ne rreth 102.88 miliarde leke, ose rreth 41.37 perqind e totalit te shpenzimeve buxhetore te planifikuara per gjithe vitin 2005.




- ❖ **Deficiti i pergjithshem** arriti ne 9.46 miliarde leke nga 10.24 miliarde leke te parashikuar per kete periudhe gjashtemujore, duke perballuar ne kete menyre kryerjen e shpenzimeve ne kohen e duhur.
- ❖ **Të ardhurat gjithsej** arritën në rreth 93.41 miliarde leke ose rreth 45.23 përqind të parashikimit vjetor. Ato përfshijnë:
  - Mbledhjet e te ardhurave tatimore nga administrata e tatimeve dhe doganave në 45.68 përqind të programimit vjetor;
  - Kontributet për sigurimet shoqërore prej 46.46 përqind;
  - Të ardhurat jo-tatimore 42.34 përqind e buxhetit vjetor; dhe
  - Të ardhurat nga pushteti lokal, 57.72 përqind e planifikimit vjetor
- ❖ Megjithëse **shpenzimet totale** ishin rreth 41.37 përqind e buxhetit vjetor, shpenzimet korrente arriten ne rreth 89.71 miliarde lekë ose rreth 46.52 përqind e programimit vjetor, pjesërisht si rezultat i shpenzimeve të larta operative dhe te mirembajtjes, me rreth 50.25 perqind e buxhetit vjetor, te shpenzimeve per subvensione me rreth 63.23 perqind te buxhetit vjetor, te shpenzimeve per sigurimet shendetesore me rreth 58.15 perqind te buxhetit vjetor, etj.

#### ❖ **Bilanci i pagesave**

Bilanci i pagesave per muajin Mars 2005, rezultoi me nje suficit te pergjithshem prej 5.6 milion dollare. Kjo ishte rezultat i nje:

- deficiți te Llogarise Korente, prej rreth 1.8 milion dollare;
- suficiti te Llogarise se Kapitalit, prej rreth 16.6 milion dollare;
- suficiti te Llogarise Financiare, prej rreth 35.3 milion dollare;
- bilanci negativ ne “Gabime dhe Harresa neto“ prej rreth 44.5 milion dollare.




Komponentet kryesore të deficitit të **Llogarisë Korrente** prej 1.8 milion \$ ishin një:

- bilanc tregtar negativ prej 130.8 milion dollare;
- suficit prej 2 milion dollare në bilancin e shërbimeve;
- suficit prej 15.4 milion dollare në bilancin e të ardhurave;
- suficit prej 111.6 milion dollare në transfertat/ të ardhurat nga emigrantët.

**Në bazë kumulative**, në fund të 3-mujorit 2005, bilanci i pagesave rezultoi me suficit të përgjithshëm, prej 12.7 milionë dollare.


Komponentët kryesorë ishin:

- defikiti prej 56.3 milionë dollare, në llogarinë korrente,
  - suficiti prej 46.6 milionë dollare në llogarinë kapitale,
  - suficiti prej 19.5 milionë dollare në llogarinë financiare,
  - bilanc pozitiv i gabimeve dhe harresave neto prej 2.8 milionë dollare.
- ❖ **Oferta totale e parasë**, e matur nga M3 arriti në 526 miliardë lekë në fund të muajit prill, duke shënuar një rritje me rreth 15.2 përqind në krahasim me të njëjtën periudhë të vitit të kaluar.



Kjo ecuri e ofertes se parase eshte nje reflektim i një kërkesë më të madhe për para të qeverisë dhe të ekonomisë. Nga ana tjetër, treguesi i depozitave në valutë ka kontribuar negativisht në rritjen mujore të ofertës monetare, duke çuar në rënien e peshës së komponentit valutor në ofertën e parase.

- ❖ Rritja ne oferten e parase erdhi si pasoje e rritjes se **depozitave pa afat** ne leke me rreth 88.7 perqind, depozitave ne valute me rreth 22 perqind, depozitave me afat ne leke me rreth 6.2 perqind dhe rritje te parase jashte sistemit me rreth 11.2 perqind, krahasuar me nje vit me pare.





## 2. TIPARE TE TABELAVE SPECIFIKE:

### a. Indeksi i Çmimeve te Konsumit dhe tregues të tjerë:

#### *Indeksi i Çmimeve te Konsumit*

Indeksi i Çmimeve te Konsumit per muajin Qershor pati nje ulje prej – 0.5 perqind, krahasuar me muajt Maj dhe Prill 05 perkatesisht me – 1.1 dhe -0.3 perqind.

Ndryshimet respektive ne te njejtet muaj te nje viti me pare ishin - 1.4 perqind, -1.7 perqind dhe 0.0 perqind.

Kjo ulje prej – 0.5 perqind e indeksit te çmimeve te konsumit per muajin Qeshor erdhi si pasoje e uljes se indeksit te grupit “Ushqime dhe pije jo alkolike” me -1.3 perqind , e cila erdhi si pasoje e uljes se cmimeve te nengrupeve “zarzavate perfshire patatet” me -17.3 perqind dhe te nengrupit ”Ushqime” me – 2.8 perqind.

Ulje gjate ketij muaji pesoi edhe grupi “Argetim dhe Kulture” me - 0.3 perqind.

Grupi “Shendetit” shenoi perseri nje rritje perj 0.6 perqind ku mund te permendim rritjen e cmimeve te nengrupit “Produkte dhe aparatura mjeksore ” , me 1.1 perqind dhe rritjes se cmimit te antibiotikeve me 1.4 perqind.

Nje rritje te lehte per kete muaj e shenuan edhe grupet “ Hotele, kafene dhe restorant” dhe “Veshje dhe kepuce” respektivisht me 0.1 dhe 0.05 perqind.

Norma vjetore e inflacionit ne muajin Qershor arriti ne 2.9 perqind duke qendruar brenda objektivit te Bankes se Shqiperise.

Ndryshimet vjetore te indeksit te çmimeve te konsumit, ne perqindje, per vitet 2004 dhe 2005 paraqiten ne tabelen e meposhtme :

	Jan	Shku	Mars	Prill	Maj	Qer	Korr	Gusht	Shta	Tet	Nen	Dhj.
<b>2005</b>	3.3	1.8	1.6	1.3	2.0	2.9						
<b>2004</b>	3.3	4.4	4.0	3.2	2.6	2.9	3.1	2.7	2.0	2.0	2.2	2.2

### *Kursi mesatar i këmbimit*

Kursi mesatar i këmbimit të lekut me dollarin amerikan, gjatë muajit Qershor, pesoi rritje të konsiderueshme, prej 3.41 përqind kundrejt muajit Maj 2005. Në fund të muajit Maj ky kurs arriti edhe vlerën prej 102.82 leke/ dollarë, i cili është edhe kuotimi më i lartë që prej muajit Tetor 2004.


Kursi mesatar i këmbimit për Dollarin në muajin Qershor arriti në 101.65 leke/dollarë.

Kursi mesatar i këmbimit për Euron në muajin Qershor arriti në 123.64 Leke/Euro, duke shënuar një rritje prej rreth 0.9 përqind, krahasuar me një muaj më parë, ndërsa në fund të muajit Qershor Euro u këmbye me 123.92 leke.

Gjatë këtij muaji vihet re një mbicim i lekut kundrejt Euros dhe një nënçmim kundrejt Dollarit amerikan.

Në krahasim me muajin Qershor të vitit të kaluar rezulton se monedha shqiptare është vlerësuar ndaj dollarit amerikan në masën 1.16 përqind dhe 0.96 përqind kundrejt monedhës europiane.


**Ndryshimet ditore të kursit të këmbimit Qershor 2005**



Ndikimin me të madh në ecurinë e kursit të këmbimit të dollarit amerikan e ka luajtur faktori i jashtëm, gjë që ka reflektuar ecurinë e tyre edhe në tregun tone valutash. Kursi i këmbimit të euros me dollarin amerikan pesoi një ulje mesatare duke arritur në rreth 1.22 dollarë/euro.

**Interesi i huave** 12-mujore në muajin prill u rrit me rreth 1.27 përqind, duke arritur në 13.69 përqind nga 12.42 përqind që ishte një muaj më parë. Ndërsa norma për interesin e huave 6-mujore pesoi një rritje me 0.50 përqind, krahasuar me muajin mars.

Interesi i huave 6-mujore për muajin prill arriti 13.50 përqind.



Normat e interesit te Bonove te Thesarit per muajin prill, per bonot me maturim 12 mujor, 6 mujor dhe 3 mujor, ishin 6.94 perqind, 6.52 perqind dhe 5.11 perqind.

Nje faktor tjeter qe ka ndikuar ne uljen e normave te interesit te letrave me vlere ka qene, pervec uljes se interesave ne fund te muajit mars nga ana e Bankes se Shqiperise edhe konkurrenca nderbankare ne kete treg.

## b. Sektori Fiskal

### *Buxheti i Konsoliduar*

Ne fund te muajit Qershor, jane mbledhur rreth 93,411 milione leke te ardhura, perkundrejt shpenzimeve te pergjithshme prej 102,879 milione leke, qe perfshijne 89,714 milione leke ne shpenzime korente dhe 13,165 milione leke shpenzime kapitale.

Si rrjedhim, deficitin ishte ne nivelin e 9.468 miliarde leke.

Mbledhja e te ardhurave perben rreth 45.23% te te ardhurave buxhetore per vitin 2005, ndersa shpenzimet perbejne 41.37% te buxhetit te planifikuar. Shpenzimet korente jane rreth 46.52 % e planifikimit vjetor, ndersa shpenzimet kapitale jane rreth 26.06 % e ketij planifikimi.

Nga te ardhurat gjithsej, te ardhurat nga tatimet dhe doganat jane rreth 61,775 milione leke (ose rreth 45.68 % e te ardhurave vjetore te planifikuara), te ardhurat e mbledhura nga pushteti vendor 5,977 milione leke (57.72 % e te ardhurave vjetore te planifikuara), kontributet e sigurimeve shoqerore dhe shendetesore 17,034 milione leke (46.46 % e te ardhurave vjetore te planifikuara), dhe te ardhurat jo-tatimore ne nivelin e 7,348 milione leke (42.34 % e te ardhurave vjetore te planifikuara).

Nga totali i shpenzimeve korente prej 89,714 milione leke, 24,581 milione leke (27 %) eshte shpenzuar per personelin, 13,155 milione leke (15 %) per interesat, 11,031 milione

leke (12 %) per shpenzime operative dhe mirembajtje, 1,729 milione leke (2 %) per subvencione, 26,185 milione leke (29 %) per shpenzimet e sigurimeve shoqerore dhe shendetesore dhe 13,033 milione leke (15 %) per shpenzimet e qeverisjes vendore dhe shpenzimet e tjera.

Keto perfagesojne 44.51 % (shpenzime personeli), 44.05 % (shpenzime per interesat), 50.25 % (shpenzime operative dhe te mirembajtjes), 63.23 % (subvencione), 47.46 % (sigurimet sociale), 45.57 % dhe 48.67 % (per shpenzimet e qeverisjes vendore dhe shpenzimet e tjera) perkundrejt buxhetit te planifikuar vjetor.

Shpenzimet kapitale arriten ne rreth 13,165 milione leke, nga te cilat 62.59 % financim i brendshem, dhe 37.41 % financim i huaj.

Shpenzimet kapitale me financim te brendshem, llogariten per kete periodhe ne rreth 29.48 % te buxhetit te parashikuar vjetor, ndersa financimi i huaj eshte vetem 21.83 %.

Deficiti prej 9,468 milione leke eshte i barabarte me 22.46 % te deficitit buxhetor per 2005.

### **Të ardhurat sipas Burimeve / Klasifikimit Ekonomik**

Te ardhurat gjithsej arriten në fund të muajit Qershor 2005 ne rreth 93,411 milione lekë, nga të cilat të ardhurat tatimore ne rreth 84,787 milione, grantet 1,277 milione dhe të ardhurat jo-tatimore ne rreth 7,348 milione;

Nga totali i të ardhurave tatimore, rreth 61,775 milione lekë janë te ardhurat nga tatimet dhe doganat, 5,977 milione lekë të ardhura nga pushteti lokal dhe 17,034 milione leke nga kontributet e sigurimeve shoqerore dhe shendetesore;

Nga të ardhurat totale të mbledhura deri në fund të Qershor rezulton :

□ TVSH	28,545 milionë lekë
□ Tatimi mbi fitimin	9,101 milionë lekë
□ Taksa doganore	5,890 milionë lekë
□ Taksat nacionale	4,900 milionë lekë
□ Akcizat	7,893 milionë lekë
□ Transferim fitimi nga Banka e Shqipërisë	2,256 milione lekë;

### **Financimi i deficitit**

Deficiti prej 9.47 miliardë lekë, ne fund te muajit qershor, u financua ne masen 78 përqind me financim të brendshëm dhe 22 përqind me financim të huaj. Te ardhurat nga privatizimi dhe emetimi i bonove të thesarit ishin mjete kryesor i financimit të brendshëm, ndersa per financimin e huaj ishin huate afatgjata.

### **c. Sektori i Jashtëm**

#### **Bilanci i Pagesave**

Tiparet kryesore të bilancit të pagesave për periudhen Janar - Mars 2005 ishin:

Nje suficit i pergjithshem, prej 12.7 milion dollare, rezultat ky i nje:

- ❑ deficiiti te Llogarise Korente, prej 56.3 milion dollare ;
- ❑ suficit te Llogarise Kapitale, prej 46.6 milion dollare ;
- ❑ suficit te Llogarise Financiare, prej 19.5 milion dollare ;
- ❑ bilanci negativ ne Gabime dhe Harresa neto“ prej 2.8 milion dollare .

Komponentet kyc te deficietit te Llogarise Korente prej 56.3 milion dollare ishin nje:

- ❑ bilanc tregtar negativ prej 363 milion dollare ;
- ❑ deficit prej 37 milion dollare ne bilancin e sherbimeve ;
- ❑ suficit prej 46.4 milion dollare ne bilancin e te ardhurave ;
- ❑ suficit prej 297.4 milion dollare ne levizjet e transfertave dhe dergesave.

Zërat kryesorë në flukset pozitive në llogarinë kapitale dhe llogarine financiare përfshijnë:


- ❑ flukset pozitive të investimeve direkte prej 54 milionë dollare,
- ❑ flukset negative të investimeve në investimet fizike prej 56.3 milionë dollare
- ❑ flukset pozitive të kapitaleve të tjera prej 15.7 milionë dollare.

## d. Sektori Monetar

### Mjetet Valutore Neto te sistemit bankar

Gjate muajit Prill 2005, sistemi bankar ka shenuar rritje te mjeteve valutore neto, ne rreth 356.5 milione dollare krahasuar me te njejten periudhe te nje viti me pare, duke rezultuar ne ritme rritjeje me te ulta ne krahasim me periudhat e kaluara.

Ecuria e M.V.N te sistemit



Kjo rritje ka ardhur si pasoje e rritjes se mjeteve valutore neto te bankave te nivelit te dyte me rreth 142.1 milione usd, nderkohe qe mjetet valutore neto te Bankes se Shqiperise, jane rritur me 214.4 milione dollare.

Në muajin prill sistemi bankar rezulton me një ulje prej 10 milionë dollarësh në mjetet valutore neto, krahasuar me një muaj më parë. Rezerva valutore neto e Bankës së Shqipërisë ka njohur rritje me 6 milionë usd. Nga ana tjetër, mjetet valutore neto të bankave tregtare janë ulur me 16 milionë usd. Hyrjet për llogari të Ministrisë së Financave dhe rritja e normave të interesit e investimeve të letrave të huaja me vlerë kanë ndikuar në rritjen e rezervës valutore të Bankës së Shqipërisë. Depozitat në valutë kanë shënuar rritje gjatë muajit, por niveli i kreditimit në valutë ka qenë shumë më i lartë, duke ulur nivelin e mjeteve valutore neto të bankave të nivelit të dytë.

### Kredia per ekonomine

Teprica e kredise per ekonomine ne fund te muajit prill 2005 arriti ne 84 miliarde leke. Rritja e teprices së kredise krahasuar me nje vit me pare shenoi vleren 36 miliardë leke, duke perbere nje rritje prej rreth 50 për qind. Krahasuar me nje muaj me pare kjo rritje ishte 4.2 miliarde leke.

Nga struktura e teprices se kredise sipas afateve verehet nje rritje e peshe se kredive afatgjata, e cila arriti ne 30.8 perqind, nga 23.4 perqind qe ishte nje muaj me pare.

Teprica e kredise sipas monedhave vazhdon të mbizoterohet nga kredia në valute, duke perbere 79 perqind te totalit te treprices se kredise. Në ndryshim nga një vit më parë, vihet re një angazhim në rritje i bankave drejt kredisë në lekë, e cila pasqyroj një rritje vjetore me rreth 7.8 miliardë lekë.


Hyrja e bankes “Raiffeissen” ne tregun e kredidhenies, i ka nxitur bankat te tregohen me aktive ne tregun e kredise duke shfrytezuar mundesi te reja. Nje rol te rendesishem ne rritjen e vellimit te kredise afatgjate mendohet qe te kete luajtur edhe forcimi i marredhenieve midis bankave dhe klienteve te tyre, bizneseve dhe individeve. Ketyre te fundit po i kushtohet me shume vemendje nga bankat, sikurse konstatohet edhe nga rritja e vazhdueshme e portofolit te kredise per individet.

Forcimi i marrëdhënies bankë – klientë, po rrit besimin e bankave për të investuar më shumë në aktivitetin kreditues duke rritur rolin e tyre si ndërmjetës financiarë.

Katërmujori i parë i vitit 2005, ka forcuar me tej tendencen renesë te kredise per sektorin e tregtise, si dhe nje mbështetje me te madhe me kredi per sektoret prodhues dhe per blerjen e pasurive te paluajtshme. Nje zhvendosje e tille pasqyron tendencen e bankave per te ofruar produkte te reja, ne pershtatje me kerkesat e bizneseve dhe te individeve.

### Oferta e Parasë

Oferta e parasë (e matur me M3), per muajin prill ka shenur nje rritje prej 0.85 perqind karahasuar me muajin mars '05. Kjo oferte kapi shifren rreth 526 miliardë lekë në fund të muajit prill. Rritja vjetore e ketij treguesi ishte 15 perqind, duke shenuar nje rritje prej 3.7 pikesh perqindjeje kundrejt nivelit te rregjistruar ne muajin dhjetor. Pershpejtimi i ritmit te rritjes se ofertes monetare i dedikohet rritjes me te larte te depozitave ne valute. Niveli i parase jashte bankave eshte ulur me 7.5 miliarde leke ne krahasim me muajin dhjetor 2004. Rritja vjetore e ketij treguesi ishte 11.2 perqind.



Raporti i parase jashte bankave ndaj ofertes monetare, ne fund te muajit prill ishte po ne te njejtin nivel ashtu si nje muaj me pare dhe arriti ne 24.8 perqind, duke shenuar nivelin me te ulet historik ne 12 vitet e fundit. Ulja e ketij treguesi eshte reflektim kryesisht i stabilitetit financiar te arritur dhe prezences se normave pozitive te interesit real ne dy vitet e fundit.

Raporti i parase jashte bankave me depozitat ne muajin prill arriten shifren prej 33.0 perqind duke qendruan ne te njejtat nivel si ne nje muaj me pare.

Depozitat ne leke si perberesi kryesor i ofertes monetare, kane pesuar nje rritje prej 1.4 perqind krahasuar me nje muaj me pare. Ecuria e kenaqshme e tyre eshte rezultat i rritjes se kerkeses për mjete monetare ne leke dhe rritjes se besimit ne monedhen vendase.

Depozitat në valutë, ne fund te muajit prill 2005 kane shenuar nje renie te lehte me 0.18 perqind ne krahasim me muajin mars. Norma vjetore e rritjes se tyre ne fund te muajit prill arriti ne 22 perqind nga 10 perqind qe ishte ne fund te muajit dhjetor.

### **Depozitat sipas Burimeve**

Kjo tabelë tregon përbërjen e depozitave te cilat kontribuojnë në përkufizimet e ndryshme të ofertës së parasë (Tabela 15) sipas llojit të depozituesve.

Një shqyrtim i tabelës tregon se gjate muajit prill 2005:

- Sei5 0t5 0 lel2deavezBumëveveme tela rte tede



- Gjatë muajit prill 2005, krahasuar me një muaj më parë, niveli i përgjithshëm i depozitave u rrit me 3.23 miliardë lekë, si rezultat i rritjes së depozitave pa afat në lekë (1.19 miliardë lekë), depozitave me afat në lekë (2.26 miliard lekë), depozitave me afat në monedhe të huaja (0.56 miliard lekë), dhe uljes së depozitave pa afat në valute (-0.8 miliard lekë).
- Depozitat pa afat dhe me afat në lekë të familjeve pesuan një rritje prej rreth 0.53 miliard dhe 1.35 miliard lekë gjatë muajit prill.